

դակցութիւններ ունենալուց յետոյ՝ սխեց պատրաստութիւններ տեսնել, որպէս զի առաջիկայ դարնան նոր շինութեան հիմը դրուի։
Սեպտ. 23 ին Գեր. Մաղաքիա եպիսկոպոսի ձեռքով ծայրագոյն վարդապետութեան աստիճան ստացաւ Տ. Եղիշէ վ. Մուրադեան, որ կարգուած յինելով Ասրպատականի թեմի առաջնորդ, մեկնեց յետոյ գէպի իւր պաշտօնաւորին։

Սեպտ. 24 ին Գեր. Ղեւոնդ եպիսկոպոս կուսակրօն սարկաւագ ձեռնադրեց ս. Գայիանէի վանքում Աղէքսանդր Մուրադ-Բէկեանին, որ իւր ուսումն աւարտել է Ներսիսեան գալաւնոցում և ապա մի քանի տարի ուսուցիչ է եղել ծխ. դպրոցներում, վերակացու Ներսիսեան գալաւնոցում և Վերդ Թովմապեանին, որ վերջին տարին աւարտեց ուսումը Մ. Աթոռի ձեմարանում և կարգուեցաւ նոյն ձեմարանի անտես, կրօնի և թուարանութեան ուսուցիչ ստորին դասարաններում։

ՊԵՏՐՈՍ ՎԱՐԴԱՊԵՏ ԱՅՎԱԶԵԱՆ



Երկարատե հիւանդութիւնից յետոյ Ախալցխայում՝ իւր ծննդախայում անցնել օգոստոսին կիքեց իւր մահկանացուն Ս. Էջմիածնի միտան Պեարոս վարդապետը։ Նա ծնուել էր 1842 թուականին Ախալցխայում. ուսումն ստացել է նոյն քաղաքի Կարապետեան հոգեւոր դպրոցում և որպէս յառաջագիւլ աշակերտ՝ միջանակ է ընդունել նոյն ժամանակ Վրաստանի և Իմերէթի առաջնորդ Կարնեցի Կարապետ արքեպիսկոպոսի ձեռքից։ 1858 թուականին ուրաք է ստացել իսկ 1870 թուականին՝ Նոյեմբեր 20-ին ձեռնադրուել է սարկաւագ։ Յաջորդ տարուայ փետրուար ամսին նշանակուել է Գեղարգայ վանքում վանահօր օգնական և 2 ամիս յետոյ՝ ապրիլի 5-ին, կուսակրօն քահանայ ձեռնադրուել Վհայեանեան Պեարոս եպիսկոպոսի ձեռքով։ 1875 թուի Նոյեմբերի 14-ին Ս. Անդրէի հրա-

մանով կարգուել է Մուղնոյ վանքի վանահօր, իսկ 1877 թուին այդ պաշտօնի հետ ստացել է և Աշտարակի ու իւր շրջակայքի բարեկարգչի պաշտօն, որը վարել է մինչև յաջորդ թուականի սեպտեմբեր ամիսը։ 1878 թուականին Գ. Կաթուղիկոսի հրամանով նշանակուել է Նոր Նախիջևանի ս. Խաչ վանքի վանահայր, 2 տարի յետոյ, 1880 թուին, ստանձնել է և Նոր Նախիջևանի հոգեւոր կառավարութեան նախնականութեան պաշտօնը։ 1883-1884 վարել է Վաղարշապատի Սարգսապատի, իսկ նորանից յետոյ՝ Նոր Բայազետի, Գեօրջայի և Գարաշէլակի դործակալութեանց պաշտօնը։ 1886 թուին կրկին անդամ վանահայր է կարգուել Մուղնոյ Ս. Գեորգայ վանքի։ Յաջորդ տարին կարգուել է Ղըզլարի փոխանորդ։ Այդ պաշտօնը վարել է մինչև 1891 թուականի յունիսի 14-ը, ապա կամու հրաժարուելով վերադարձել է Ս. Էջմիածին և Նոյեմբերի 12-ին ուղարկուել է Ագուլիս, որպէս վանահայր Ս. Թովմայի վանքի։

1894 թուին Վհայախա Հայրապետի հրամանով կարգուել է Ախալցխայի և Ախալքալաքի փրձակների փոխանորդ, ուր մնացել է մինչև 1899 թուականը։ Ապա վերադառնալով Ս. Էջմիածին վարել է զանազան ժամանակաւոր պաշտօններ։ Իւր անբուժելի հիւանդութիւնը դարմանելու համար նա դարնան Տփլիս և ապա, բժիշկների խորհրդով, իւր ծննդախայը գնաց, ուր և վրայ հասաւ անխուսափելի մահը։ — Հանգուցեալը իւր աշխատութեանց համար արժանացել է երկիցս վարձատրութեանց, բեկարարից թեմակալ առաջնորդ Տ. Մակար Արքեպիսկոպոսից ստացել է ծաղկեայ կերպասէ փխն, ապա նոյն հանգուցեալ Տ. Մակար Կաթուղիկոսի հայրապետութեան օրերում արժանացել է վարդապետական տիանակաւ լոնջախաչի։ —

Հանգուցէ Տէր զհոգի պաշտօնէին ս. Եկեղեցւոյ ի լոյս երևաց խնոց։

ՃԵՄԱՐԱՆ ՄԱՅՐ ԱԹՈՌՈՅ

Սեպտեմբերի 29-ին, ս. Գեորգ զօրավարի

տօնին, սովորական շքով կատարուեցաւ Մայր Աթոռի հոգեւոր ձեմարանի 27 բլ. տարեգարծի հանդէսը: Այդ օրը պատարագիչ էր ձեմարանի Տեսչի օգնական Զ. Յուսիկ վարդապետը. պատարագին երգում էր Արժ. Զ. Կովիտաս վարդապետի պատրաստած քառածայն խումբը: Պատարագից յետոյ ամբողջ միութանութիւնը և ձեմարանի աշակերտներն ու ուսուցիչները խմբուեցան Հոգեկոյս Տ. Գեորգ Գ. Մեծադոր՝ Հայրապետի շիրմի շուրջը և հոգեհանգիստ կատարեցին: Շիրմի վերայ ձեմարանի աշակերտները բնական ծաղիկներից հիւսած մի գեղեցիկ պսակ էին դրել: Գ. լսարանի ուսանողներից մէկն արտայայտեց մի ծառով իւր և ընկերների երախտագիտական զգացումները: Այնուհետև միարանութիւնը ուխտաւորների բազմութիւնը և ներկայ եզոզ հասարակութիւնը դիմեցին ձեմարանի հիւսիսային բակը ուր հանդիսի բացումից յետոյ ձեմարանի Տեսուչ Զ. Կարապետ վարդապետը ամբիօն բարձրանալով՝ անցեալ ուսումնական տարուայ հաշիւը ներկայացրեց, որ տպւում է ստորև. իսկ երգեցիկ խումբը՝ Զ. Կովիտաս վարդապետի ղեկավարութեամբ պատշաճաւոր երգեր երգեց:

Վերջին տարիներս սովորութիւն է դարձել ձեմարանում տարեգարծի օրը երեկոյան դիտական — դրական երեկոյթ կազմել: Այստեղ ևս հրապարակ ելաւ երաժշտագէտ Զ. Կովիտաս վարդապետը, որ Հայոց եկեղեցական ութ ձայնի մասին մի հետաքրքրական բանախօսութիւն արաւ: Աշակերտներից մի քանիսը՝ Զ. Կովիտասի հրահանգած առողանութեամբ մի քանի գեղեցիկ ոտանաւորներ արտասանեցին. իսկ խումբը պատուական ներդաշնակութեամբ աղղային և ժողովրդական դանաղան երգեր երգեց, որոնցով հոգեկան մեծ բաւականութիւն պատճառեց բոլոր հանդիսականներին:

Գրական հանդիսից յետոյ լուսավառութիւն տեղի ունեցաւ. ձեմարանի սաները աշխատել էին, որքան կարելի է, ճաշակով դարգարել և լուսաւորել այն լուսատու հաստատութեան ծախտը, որ միանգամ ևս արդէն 27 ամեայ հասկում, դուրս էր գալիս հայ ժողովրդի խումբն բազմութեան առաջ, նրան իր անցեալը ներկայացնելու և ապագայի հա-

մար մեծ յոյսեր ներշնչելու: Յիրաւի, գեղեցիկ էին բնական թարմ տերեւներից և ոստերից հիւսուած շղթաները, շնորհալի՝ հոտաւէտ զոյնզոյն ծաղիկներից բոլորած պսակները, հմայիչ՝ բազմերանգ դոյներով փողփողին տուող լապտերների երկար շարքերը, ճրագների պէժ — պէժ խմբերը. գիտութեան հարսի ոսկեայ մանեակն էր այդ՝ իւր ականակուռ շղթայով Եւ նորա առաջ շրջան առած, պարբոնած երգում էին իւր սաները, մինչ միւս կողմը շրջակայքից և հեռաւոր տեղերից եկած ուխտաւոր երիտասարդներն ու ջահիլ աղջիկները կոնարնուկ եայլի էին տալիս: Եւ ուրախանում էր հեղ հայ զեւպացին, մի բույկ իւր անթիւ հոգսերն ու ցաւ — տանջանքները մոռացութեան տուած՝ յափշտակուում ականապարտ տեսարանով, յուզուում և խնդում, ձեմարանի դովքն անում:

Այնուհետև, մինչ ժողովուրդը դոհ սրբաւով միաբլ երազանքներին տուած՝ առն էր դառնում տեսածը իւրայիններին պատմելու՝ ձեմարանական ընտանիքը և մի քանի նախկին ձեմարանականներ, համեստ ընթրիքի սեղանի շուրջը խմբուած՝ ոգեորեալ ձաւերով լուսաւոր ապագայ էր բարեմաղթում այդ ժողովրդին, նրա բարօրութեան համար բաժակ բարձրացնում: Կարգացուեցան և այն հեռագիրները, որ ուղղել էին ձեմարանի բարեկամները և նախկին սաները: Առանձին ոգեւորութեամբ ընդունուեցաւ Վ. հ. Հայրապետի հեռագիրը, որով օրհնում էր ձեմարանի Տեսչին, ուսուցչական խմբին, սաներին և ձեմարանին արեւշատութիւն և անասանութիւն բարեմաղթում:

Հետեւեալ օրը Վ. հ. Հայրապետի Սման Ը. տարեգարծն էր: Պատարագից յետոյ կատարուեցաւ հայրապետական մաղթանք և ապա հանդիսաւոր ճաշկերոյթ եղաւ Մ. Աթոռի սեղանատանը: Այդ օրը երեանից եկել էին ուսուցչական սեմինարիայի աշակերտները՝ իրենց տեսչի և ուսուցիչների առաջնորդութեամբ: Երեկոյան վանքի բակում լուսավառութիւն կար: Հաւաքուած էր ուխտաւորների մեծ բազմութիւն. ձեմարանի աշակերտները Վ. հ. րանի առաջ խմբուեցան, ուր Զ. Կովիտասի

դեկավարութեամբ երգեցիկ խումբը ազգային — ժողովրդական երգեր էր երգում:

Հոկտեմբերի 13-ին, ս. Թարգմանչաց տօնի երեկոյեան՝ ձեմարանում գրական հանդէս կար, ուր ներկայ էին միարաններից շատերը: Դորանով սկիզբ դրուեցաւ մի շարք գրական երեկոյթների, որոնք տեղի են ունենում երկու շաբաթը մի անգամ՝ այս կամ այն ուսուցչի դեկավարութեամբ նորա աւանդած առարկաներից բանախօսութեանց և ընթերցումների նիւթ առնելով:

ՄԱՅՐ ԱԹՈՒԻ ՀԵՄԱՐԱՆԻ

ԻԷ. ՏԱՐԵԴԱՐՁԻՆ

ՏԵՍԻՆ ՆԵՐԿԱՅԱՅՐԱՆՍԵ ՏԵՂԵԿԱԳԻՐԸ

Անցեալ 1900—1901 ուսումն. շրջանում ձեմարանն ունէր ընդամենը 240 աշակերտ, որոնցից 207 նախկին և 33 նոր ընդունուած՝ 223 գիշերօթիկ սաներ և 17 երթեւեկ էին: Այսպիսով գիշերօթիկների թիւը մնաց գրեթէ նոյնը, ինչ որ էր նախնիքաց շրջանում (226):

Թէպէտ այդ թիւը, ինչպէս նկատուած էր անցեալ շրջանի Տեղեկագրի մէջ*, ամե-

նամեծն է եղել ձեմարանի բացման օրից ի վեր՝ զարմանալի հակասութեամբ վերջին երկու տարիներս ամէնից աւելի խօսուեցաւ ու գրուեցաւ այն մասին, թէ ձեմարանը հարկաւոր չափով սաներ չունի, ապօրինի կերպով կրճատուած է նոցա թիւը: Իրողութիւնն այն է սակայն, որ ձեմարանը ներկայ պայմաններում շատ ծանր զոհաբերութիւնների չնորհիւ միայն կարողանում է այդչափ գիշերօթիկ սաներ պահել: Ուրիշ դժուարութիւններ մի կողմ թողած՝ այժմեան չինուածների մէջ կարելի չէ, առանց առողջապահութեան կանոնների դէմ մեծապէս մեղանշելու, աւելի քան 200 գիշերօթիկներ պատասպարել, եթէ ուրեմն հարկը ստիպում է աւելի ընդունել (ինչպէս և այս տարի արդէն մօտ 20 հոգի աւելի ընդունուած են), այդ լինում է ի զրկանս ընդհանուրի: Աշակերտների այժմեան թիւը զգալի կերպով մեծացնելու համար առաջին պայմանն է՝ ընդարձակել ննջարանը և մի նոր շէնք կառուցանել դպրանոցական դասարանների համար:

Դասարանների և թեմերի համեմատ աշակերտների բաժանման և փոխադրութեան պատկերը կարելի է տեսնել հետեւեալ տախտակից.

Կարգ	Դասարան և խումբ	Ա Շ Ա Կ Ե Ր Տ Գ					ՏԱՐԵԿԱՆ ԸՆԹԱՅԻՐ ՅԱՌԱՋԱԳԻՄՈՒԹԵԱՆ					ԹԻՒ ԱՇԱԿԵՐՏԱՅ ԸՍՏ ՎԻՃԱԿԱՅ							
		Հ/Ա	Ն/Ր	Երբեւեկ	Գիշերօթիկ	Գ ՈՒ ՄԱՐ	Ա. ա. ր. ս. Ե.	Փ. Ե. Ե.	Մ. Ե. Ե.	Գնմիւր յինչ յինչ տարից Արձակիմ կամ նրա մարմն	Երեւանի բնակ.	Վրաստանի Երեւանի բնակ.	Արցախ	Շամախ	Աստրախ	Բնակարան	Տախտակ	Պարսկաստան	
1	Ա. զուգ	11	19	10	20	30	—	9	11	2	8	19	2	1	—	—	8	—	
2	Ա. հիմն	31	5	3	33	36	—	23	1	9	3	26	1	1	—	—	7	1	
3	Բ.	32	6	4	34	38	—	9	7	17	5	21	3	3	—	1	7	2	
4	Գ.	27	—	—	27	27	—	11	1	15	—	12	—	1	—	1	11	2	
5	Դ.	22	3	—	25	25	—	11	—	12	2	11	4	3	—	—	2	3	
6	Ե.	24	—	—	24	24	—	12	3	9	—	14	3	—	—	—	2	5	
7	Զ.	18	—	—	18	18	—	15	—	3	—	5	3	4	2	—	1	3	
8	Ա. լս.	17	—	—	17	17	—	14	1	—	2	6	—	3	—	—	1	7	
9	Բ. լս.	13	—	—	13	13	—	13	—	—	—	6	2	1	—	1	—	3	
10	Գ. լս.	12	—	—	12	12	12	—	—	—	—	4	3	1	—	—	—	1	
—	Գումար	207	33	17	223	240	12	117	24	67	20	124	21	18	2	2	8	55	

* Արարատ 1901. ապրիլ, էր. 217:

Ուրեմն անցեալ չըջանում ևս ձեմարանը բացի երեք մասնագիտական և վեց գլխաւորական դասարաններից՝ ունեցաւ զուգընթաց դասարան Ա-ի համար, բայց մինչդեռ նախընթաց չըջանում զուգընթացը հիմնականի համեմատութեամբ շատ թոյլ դասարան էր, այս անգամ նոցա ուսման չափը գրեթէ հաւասար եղաւ, և միայն Ա. դասարանի աշակերտների չափազանց շատութիւնն էր հարկադրել երկու մասի բաժանել, ուստի շատ աշակերտներ զուգընթացից անմիջապէս Բ. դասարան փոխադրուեցան:

Ինչպէս վերելի պատկերից երեւում է, գլխաւորական բաժնի բոլոր աշակերտները 198 էին, մասնագիտական բաժնի ուսանողները 42: Նախընթաց չըջանի տեղեկագրի մէջ մենք իբրեւ ուղղորդութեան արժանի ուրախառիթ մի հանգամանք էինք նկատել ուսանողների թուի զգալի կերպով աճելը՝ նախընթաց տարիների համեմատութեամբ: Մասն. բաժնում միայն մի տարի (1895/94 թ.) 42-ից աւելի ուսանողներ են եղել (44), այն ևս մեծ մասը տարուայ ընթացքում ուսումը կիսատ թողել ելեր են. այնպէս որ վերջին չըջանի ուսանողների թիւը ամենամեծը պէտք է համարուի, և այդպէս է ընկնում մանաւանդ նորա համար, որ թեմ. գլխաւորներն աւարտողներից վերջին տարիներս ձեմարան գիմնոզ գրեթէ չի եղել: Դորա մի պատճառը եթէ այն է, որ գլխաւորաւարտները, մանաւանդ Երեւանի թեմ. գլխաւորն աւարտողները, չեն կարողանում անմիջապէս Ա. լսարան մտնել, որովհետեւ ձեմարանի գլխաւորական բաժնի ծրագիրը մի քանի կէտերում տարբեր և ընդհանրապէս բարձր է միւս գլխաւորների ծրագիրներից, միւսը, և աւելի կարեւորը՝ այն դժբախտութիւնն է, որ դժբա հոգեւոր կոչման համար չեն պատրաստուում և նոր բան սովորելու արտօթակ չունին, կամ եթէ ունենում են, անպակաս են մտորեցնողները ու համոզողները, թէ ձեմարանի լսարաններում ոչինչ չեն սովորի: Աւելորդ է ասելը, որ ձեմարանականների բռնած ընթացքը բոլորովին հակառակն է ապացուցանում:

Լիակատար ընթացքն աւարտող 12 հոգուց մին՝ Գեղամ Սարգսեան, տարուայ կիսին ինչ ինչ պատճառներով ելեր էր աշակերտութիւնից և վերջը քննութեան իրաւունք և արտաքոյ կարգի վկայական ստացաւ: 6 հոգի ուրարակիր էին, 2 հոգի ևս՝ Գէորգ Թովմա-աղայեան Վանեցի և Իսահակ Տէր Ղազարեան Ղազախի Ղոջողթան գիւղից, միւսան ընդունուեցան և ուրար ստացան. որոնցից առաջինը սեպտ. 25-ին ձեռնադրուեցաւ սարկաւազ: Ուրեմն ընդամենը ինն հոգի այս չըջանի ուսումնաւարտներից հոգեւոր կոչման են նուիրել իրենց: Եւ այդ համարուում է ոմանց համար ապացոյց, որ ձեմարանի հոգեւորական վարիչներն ու ուսուցիչները, ուրիշ ոչ մի բանի չնորհր չունենալով՝ չեն կարողանում նաեւ հոգեւոր կոչման համար մարդիկ պատրաստել (իբրեւ թէ ամենագիւրին դործը լինէր այդ, մանաւանդ մեզ չըջապատող պայմաններում):

Զգալի փոփոխութիւն ուսուցչական խմբի մէջ այն եղաւ, որ արտասահմանից վերադառնալով պաշտօն ստացան ձեմարանում Տ. Եղնիկ (Հ. լեզուի և գրականութեան դասեր) և Տ. Յուսիկ (Աստուածաբանութեան և կրօնի դասեր, տեսչի օգնականութեան հետ) վարդապետներ, և Ռուսաստանից՝ Տ. Մամբրէ վարդապետ (կրօնի դասեր Բ. և Գ. դասարաններում՝ անտեսութեան հետ): Այսպիսով ձեմարանը առաջին անգամ աչքի ընկնող թուով հոգեւորական պաշտօնեաներ ունեցաւ՝ 6 վարդապետ, բոլորեքեան նոյն ձեմարանում ուսումնաւարտելուց յետոյ Եւրոպայում (և Ռուսաստանում) բարձր կրթութիւն ստացած՝ Հրաժարուած աշխարհական ուսուցիչների փոխարէն նոր հրաւիրուեցան.

Պ. Յ. Բուդաղեան՝ մաթեմ. առարկաների համար, որ աւարտել է Օդեսայի համալսարանի ֆիզիկ. — մաթեմատիկական բաժինը:

Պ. Ա. Աբրահամեան՝ Ա. Բ. և Գ. դասարանների Ռ. լեզուի, և Ռ. աշխարհագրութեան համար, որ աւարտել է Տփլիսի ուսուցչական ինստիտուտը:

Պ. Յ. Յովհաննիսեան, որ նախորդ կի-

ստեղծելով՝ տեսչի օգնականի պաշտօն էր վարում, բարձր դասարաններին Ռ. լեզուի և Ռ. պատմութեան համար. բայց որովհետև նա գեղեցիկներ ամսին Նորին Վեհափառութեան բացարձակ հրամանով թողյալութիւն ստացաւ Տփլիսի Յովնանեան դպրոցի տեսչութիւնն ստանձնելու՝ այդ դասերը բաց մնացին, և Նոր յարմար ուսուցիչ չգտնուելու պատճառաւ՝ բաժանուեցան եղած ուսուցիչներին՝ պ. պ. Ս. Տիգրանեանի, Յ. Բուդաղեանի, Հ. Կանայեանի և Ա. Արարհամեանի մէջ:

Արդէն հոկտեմբեր ամսու վերակացութեան պաշտօնից հրաժարուեցաւ պ. Ս. Հախնաղարեան, որի աւանդած ընդհ. աշխարհագրութեան 6 դասերը յանձնուեցան ձեմարանի նախկին սան Լ. Նոր—Արեւեանին:

Դասեր աւանդում էին նաև բոլոր վերակացուները ու մասենադարանապետութեան պաշտօնի համար հրաւիրուած նախկին սան Ա. Շահնաղարեան. մի քանի դաս ևս գեղադործ ու հիւանդապահ պ. Հ. Կանայեան (Բժշկ. Ակադեմիայի Գ. բաժնից):

Նորին Վեհափառութեան հրամանով այս շրջանում իբրև արտաքոյ կարգի պարտաճանձր աւելացան գիւղատնտեսութեան դասեր, որ աւանդում էր պ. Ս. Ղազարոսեան՝ Ծրանօխայում մասնագիտական կրթութիւն ստացած: Այդ դասերը կամաւոր էին, 2 դաս լսարանական ուսանողներին և 3 դաս Գ. Ե. և Զ. դասարանների աշակերտաց համար, որոնց երկրագործական զբաղմունքների համար յատկացրած էր ձեմարանին կից մի ընդարձակ վարելահող: Նոյն տեղում դում ևս կառուցուեցաւ, որպէս զի գիւղատնտեսութեամբ պարապող աշակերտները զբաղուին նաև կաթնատնտեսութեամբ, և այդ գոմում պահուող անասուններից ստացուած կաթնեղէնը գործադրուի աշակերտների սնունդի համար:

Ինչպէս յայտնի է, արտաքոյ կարգի պարապմունք համարուել են ձեմարանում մինչև այժմ տաճկերէնի դասերը՝ տաճկահպատակների համար, որոնց ուսուցիչն է վերջին տարիներս պ. Հ. Աճառեան:

Մանկ. խորհուրդի գումարումներ եղել են 29 անգամ, որոնցից 20 բոլոր ուսուցիչների միացեալ ժողով էր և 9 միայն մասն. բաժնի ուսուցիչներէ: Բացի ընդհանուր յառաջադիմութեան և դաստիարակութեան վերաբերեալ խնդիրներից՝ քննութեան առարկայ է եղել այստեղ մի քանի առարկաների ծրագիրը, ձեմարանում աւանդուած բոլոր առարկաների համար մանրամասն ծրագիր կազմելու նպատակով: Առ այժմ կարելի է եղել ձեւաօրել և տպագրել այն առարկաների ծրագիրը միայն, որոնցից պէտք է քննութիւն տան ձեմարանի Ա. դասարան մտնողները. մնացած ծրագիրները մշակելու գործը թողնուեցաւ առաջիկայ ուսումն. շրջանին:

Դաստիարակչական գործի մէջ այս տարի ևս բաւական ընդարձակ տեղ են ընկել տօնական հանդէսներն ու դրական երեկոյթները: Առանձնապէս հանգիստաւոր կերպով կատարուել է ս. Թադէոս և ս. Բարդուղիմէոս առաքեալների տօնը, որովհետև Նորին Վեհափառութիւնը հաճեցաւ ներկայ դռնուել հանգիսին և կարգաւ իսկ ի մեծ հոգեւոր բաւականութիւն Իւր հոգևոր զաւակաց, Իւր մի քերթուածը: Ապա խիստ գեղեցիկ և ուշագրաւ էր Հայր Կոմիտաս վարդապետի կազմած երաժշտական երեկոյթը ս. Լուսաւորչի Պատն ի վիրապն՝ տօնին, որին բացի Միաբանութիւնից և ձեմարանի ուսուցիչներից ու աշակերտներից ներկայ էին նաև մի քանի հիւրեր՝ երեանի Թեմ. դպրանոցի տեսուչն ու մի քանի ուսուցիչներ, բարձր դասարանների աշակերտների հետ: Վեհափառ Հայրապետն Իւր ներկայութեամբ շուք և կենդանութիւն տուաւ նաև անփութարիներէ ընկած Գ. Չանչեանի յիշատակը պատուելու և նորա դրական գործունէութեան հետ ծանօթացնելու նպատակով պատրաստուած երեկոյթին, ուր կարգացկրկին որբերի խնամող ողբացեալին նուիրած Իւր քերթուածը: Բացի այդ երեկոյթից տեղի են ունեցել դրական երեկոյթներ, որոնց նիւթը եղել են ձեմարանում աւանդուող մի մի առարկայի՝ հայոց լեզուի և դրականութեան, ընագիտութեան, գերմա-

ներէնի վերաբերեալ նիւթեր—Յիշատակելի տօնական մի օր այս շրջանում ձեմարանի համար էր նորին Մեծութիւն Պարսից Արեգակնափայլ Շահի շնորհաբեր այցելութիւնը Մայր Աթոռ հոկտեմբեր 11-ին, թէպէտ Մեծափառ արքայից արքան, տկար զգալով իրեն՝ բաւականացաւ ձեմարանի բակից միայն անցնելով, և մուտք չգործեց արքայական հիւրին ընդունելու համար չքեղատէս զարդարած շէնքի մէջ։

Ուսուցիչների փոփոխութեան հետ վեհափառ Հայրապետի հաճութեամբ փոքրիկ փոփոխութիւններ եղան նաև թէ դպրանոցական և թէ մասնագիտական՝ բաժնի դասացուցակների մէջ։ Դպրանոցական բաժնի առարկաները կարգաւորուեցան այնպէս, որ կարելի լինէր մայրենի և պետական լեզուները զօրացնելու նպատակով հայերէնի և ռուսերէնի մի մի դաս աւելացնել Գ. և Ե. դասարաններում, և ռուսերէնի մի դաս Զ. դասարանում։ Մեթոդիկայի փոխարէն դրուեցան փիլիսոփայութեան պատմութեան դասեր՝ նոր փիլիսոփայութիւն Գ. Լսարանում և յունական փիլիսոփայութիւն միացեալ լսարաններում։ աւելացաւ Հ. լեզուի քննական քերականութեան ուսումը Ա. լսարանում։

Դասերը սկսուեցան սեպտեմբեր 4-ին և դադարեցին մայիս 19-ին։ Քննութիւններ եղան միայն դպրանոցական և մասնագիտական բաժիններն աւարտողների համար՝ բոլոր առարկաներից, և Ա. ու Բ. լսարանների համար այն առարկաներից, որոնք աւարտուում են այդ լսարաններում։ Սկսուեցան քննութիւնները (Զ. դասարանում) ապրիլ 12-ին և վերջացան մայիս 26-ին։

Տարուայ ընթացքում պարագայով բոլոր դասերի գումարն է՝ 6241։

Բաց մնացել են ընդամենը 186 դաս (մի որոշ մասը պ. Յովհաննիսեանի տարածած հրաժարուելուն պատճառով), որից 108 դաս բացակայողների փոխարէն պարագայով են ուրիշ ուսուցիչներ. բոլորովին չպարագայած դասերի գումարն է 78։

Ահա պակաս և աւելի պարագայած դասերի ցուցակը.

Ամս. կարգ.	Ազգ. և անուն Ուսուցչաց.	Գումար մասնագիտական լսարանում.	Գումար առ. և փոփոխական մասնագ.
1	Տ. Կարապետ վարդ.	3.	19.
2	Տ. Յուսիկ վարդ.	4.	11.
3	Տ. Եզնիկ վարդ.	5.	3.
4	Տ. Կոմիտաս վարդ.	17.	8.
5	Տ. Գարեգին վարդ.	15.	4.
6	Տ. Մամբրէ վարդ.	1.	2.
7	Պ. Արեղեան Մ.	19.	-
8	Պ. Յարութիւնեան Ս.	16.	4.
9	Պ. Կանայեան Ս.	9.	3.
10	Պ. Մանանդեան Յ.	8.	1.
11	Պ. Տիգրանեան Ս.	6.	1.
12	Պ. Յովհաննիսեան Յ.	53.	1.
13	Պ. Արքա-Համեան Ա.	5.	10.
14	Պ. Բուդաղեան Յ.	8.	6.
15	Պ. Կանայեան Հ.	1.	-
16	Պ. Ղազարեան Գ.	1.	5.
17	Պ. Հախնազարեան Մ.	7.	1.
18	Պ. Շահնազարեան Ա.	3.	3.
19	Պ. Նոր-Արեւեան Լ.	3.	7.
20	Պ. Արիստակէսեան Յ.	-	6.
21	Պ. Միրաքեան Բ.	-	5.
22	Պ. Ղազարոսեան Մ.	2.	-
23	Պ. Արքա-Համեան Վ.	-	8.
Գումար		186.	108.

ձեմարանի մատենադարանն այս շրջանում ևս աչքի ընկնող նուէրներ ընդունեց դրսից և ձոխացաւ։

Բարեկիշատակ Գր. Զանչեան, իւր կենդանութեամբ մի քանի անգամ մեծաքանակ արժէքաւոր գրքեր ու ժողովածուներ նուիրելուց յետոյ՝ կտակել էր, ինչպէս յայտնի է, իւր մատենադարանի մնացած գրքերն ևս ձեմարանի մատենադարանին։ Նորա կտակակատարները արտօնութիւն ունենալով վերցնելու այդ գրքերից որչափ հարկաւոր համարէին՝ ըստ երևութին չատ չօգտուեցան այդ արտօնութիւնից, այլ ձեմարան ուղարկեցին 622 հատոր գիրք Դորանից ռուսերէն . . . 466 հ. Օտար լեզուներով . . . 146 հ. Հայերէն 10 հ.

Այլ և վսեմ. պ. Կ. Եղեան, որին ձեմարանի մատենադարանը գրեթէ ամէնից աւելի պարտական է իւր ունեցածով ուղար-

կեց կրկին զանազան արժէքաւոր հրատա-
րակութիւններ 147 հատոր
Նուիրատուի հաշուին կաղմուելով՝ ցու-
ցակի ու գործունէութեան մէջ մտան Հ.
Մուշէ վարդապետի ձեւ.-ի քսանհինգամ-
եակի առթիւ նուիրած գրքերը . . . 275 հ.
Ծնորհ. Նսայի սարկ. նուիրել է 116 հ.

2. Դատարան աշակերտների կաղ-
մած աշակերտական մատենադարա-
նից յանձնուել է 78 հ.

Արարատի խմբագրութեան անու-
նով և զանազան տեղերից ստացած
մանր գրքեր 74 հ.

Նախկին Թիֆլիսի Հայոց Հրատ.
ընկերութիւնից 20 հ.

Այլ և այլ անձանց նուէրներ . . . 68 հ.

Բացի դրանից հանգուցեալ Խո-
բէն եպիսկոպոսի յիշատակի համար
Մոսկուայի մի քանի յարգողների շրջա-
նում ժողովուել և աշակերտաց ընթեր-
ցանութեան լաւագոյն գրքեր գնելու
պայմանով ուղարկուել է 256ր.

Ագուլեցի յայտնի վաճառական պ.
Ս. Հախնաղարեան ևս նուիրել է ու
խոստացել 5 տարի շարունակ նուիրել
տարեկան 100ր.

Այս գումարների մի մասով գը-
նուած են արդէն դիպուածաբար շատ
աժան՝ գնով վաճառուող գերմաներէն
և հայերէն գրքեր 361 հ.

Օգեստայից պ. Մուրադեան նուի-
րել էր 100 ր., որ միանուագ վճարուե-
ցաւ գնելու համար՝ նոյնպէս դիպուա-
ծով, Գրիմի մեծահարուստ գերմանե-
րէն բառարանը:

Ճեմարանի հաշուով գնուած են
գրքեր և զատագրքեր 330 հ.

Աւելացած բոլոր գրքերի գումարն է 2093 հ.
Ներկայ ուսումն. շրջանի սկզբին ձե-
մարանի ունեցած բոլոր գրքերն էին.

Հիմնական մատենադարանում.
Հայերէն 2792 հ.
Ռուսերէն 6017 հ.
Ֆրանսերէն 1821 հ.
Գերմաներէն 915 հ.
Այլ լեզուներով 316 հ.
Ընդամենը 11,861 հ.

Աշակերտական մատենադարանում.

Հայերէն ընթերցանութեան . 1406 հ.

Ռուսերէն 926 հ.

Դատագրքեր 5567 հ.

Ընդամենը . 7899 հ.

Բառարաններ երկու բաժնում . 372 հ.

Բոլոր գրքերի գումարն է . 20,132 հ.

Մատենադարանապետ էր ձեմարանի
նախկին սան Ասլան Շահնաղարեան:

Ինչպէս երևում է վերևի հաշուից՝ ձե-
մարանի մատենադարանում հայերէն գրքե-
րը քիչ տեղ են բռնում համեմատաբար և
քիչ թուով են աւելանում: Դորտ գլխաւոր
պատճառն այն է, որ ստացուած նուէրնե-
րի մէջ հայերէն գրքերը միշտ սակաւ են, իսկ
ձեմարանը գրամական միջոց չունի ամէն
կտրուոր գիրք գնելու, պէտք է սպասէ,
մինչև որ մի բարերար գտնուի՝ և լցու-
ցանէ այս մեծ կարիքը, միջոց առնով գնե-
լու դոնէ հայերէն բոլոր այն գրքերը, որոնք
գրականական արժէք ունին կամ աշակեր-
տաց ընթերցանութեան նիւթ կարող են
լինել:

Դրեթէ աւելի ևս մեծ է բնագիտական
գործիքների պակասութիւնը, որը մի որոշ
չափով լցուցանել նոյնպէս առանձին բարիք
կլինէր ձեմարանին:

Աշակերտների բարոյական դաստիարա-
կութեան և կարգապահութեան վերայ ի
մտայ հսկում էր Տ. Յուսիկ վարդապետ, որ
Վեհ. Հայրապետի սրբ. կոնդակով տեսչի
օգնական կարգուեցաւ: Վերակացութեան
պաշտօնի համար նոր հրաւիրուեցաւ ձեմա-
րանի նախկին սան Յակոբ Արխատկէսեան:
Նախկին վերակացուներից պաշտօնի մէջ
մնացին՝ պ. Հախնաղարեանի հրաժարուե-
լուց յետոյ, պ. պ. Բ. Միրաբեան և Գ. Վա-
ղարեան:

Առողջապահական մասի հսկողութիւնը
յանձնուած էր ըստ առաջնոյն Բժ. պ. Կ.
Տէր Խաչատրեանին, որի բժշկական հմտու-
թիւնը առանձնապէս փայլուն կերպով երե-
ւան եկաւ այս շրջանում, երբ հիւանդու-
թեան դէպքերը աշակերտների մէջ սովո-

բաղանից աւելի յաճախ էին և վտանգաւոր*։ Այնպէս փոփոխական եղանակներին ձեւաբանութիւն միաժամանակ քսանից աւելի հիւանդներ կային, որոնցից 6-ը «տիֆ»-ով բռնուած և երկուսը մանաւանդ այնպիսի ծանր «տիֆ»-ով, որ գրեթէ մահուան գրկից խլուեցան, իսկ տարուայ վերջին, մեծի պահոց ծանր օրերից յետոյ, աշակերտներն ընդհանրապէս այնչափ թուլացել էին ու արեան պակասութիւն, և «սկորբութեամբ» այնչափ տարածուել, որ քչերին միայն կարելի էր կատարելապէս առողջ համարել։ Եթէ այդպիսի հանգամանքներում այս շրջանն ևս առանց մահուան դէպքի անցաւ՝ նախախնամութեան մի բացառիկ մեծ շնորհն էր, որ մենք պէտք է իրրեւամենաբարի ազգաբարութիւն համարենք, ըստ հնարաւոր միջոցներով այդ հիւանդութեանց գլխաւոր պատճառները վերացնելու։ Առաջին և բուն պատճառն այն է անշուշտ, որ ձեւաբանի տնտեսական պայմանները համապատասխան չեն աշակերտների թափին, որ Մ. Աթոռի սուղ միջոցները չեն ներում նոցա բազմաթիւ հետ հաւասար չափով ընդարձակել ծախսից նախահաշիւը և անուշաբաւ բարեկեցութեամբ հանգստանալու գիւրութիւններ ստեղծել, որ, ինչպէս յիշուեցաւ, ձեւաբանի շինուածները հարկաւոր չափով ընդարձակութիւն և յարմարութիւններ չունին։ Այս վերջին խիստ զգալի կարիքը առաջիկայում լեցուած կլինի մասամբ նորանով, որ Բագուի յայտնի մեծատուն եղբարք թուականը յանձն են առել նոր հիւանդանոց կառուցանել ձեւաբանի համար, և արդէն շինութիւնը սկսուած է։ Այլ և վեհափառ Հայրապետի բարեհաճ տնօրինութեամբ, ձեւաբանի քսան և հինգամեակին նուէր ստացուած մօտ 5000 րուբլի

գրամը, որ նորին Սրբութիւնը մտադիր էր սկզբում հիւանդանոցի շինութեան համար գործ դնել՝ գործադրուում է այժմ մի քանի անհրաժեշտ նորագոյթիւնների համար հին շինուածների մէջ, ի թիւս այլոց՝ փոխելու հիմնական շինուածքի բոլոր լուսամուտները, որոնք իրենց անյարմար ձեով և խարխուլ գրութեամբ ոչ կանոնաւոր օդափոխութիւն և ոչ ձեւ ժամանակ ջերմութիւն պահելու գիւրութիւն էին ներկայացնում։

ձեւաբանի տնտեսական կառավարութեան մէջ անցեալ շրջանում այն կարեւոր փոփոխութիւնը տեղի ունեցաւ, որ յունուար ամսից Մ. Աթոռի հովանու ներքոյ եղող միւս հաստատութիւնների շարքում նորաբոլոր առ ու ծախքն ևս յանձնուեցաւ վան. կառավարութեան, և նորա տեսուչը անդամ կարգուեցաւ կառավարութեան։

Տնտես նշանակուած էր Տ. Մամբրէ վարդապետ։

Իսկ աշակերտների ճաշը, որ անցեալ շրջանում ձեւաբանի սեղանատանն էր տրուում, փոխադրուեցաւ կրկին վանքի սեղանատուն։

Ներկայ 1901 թ.-ի համար նախահաշուով ձեւաբանի բոլոր ծախքը (բացի կերակրեղէնից) նշանակուած է՝ 42390 ր.։

Պէտք է ինկատի ունենալ սակայն, որ այս գումարի մէջ կան գրամներ, որոնք անմիջապէս ձեւաբանի վերայ չեն գործադրուում, կամ միայն որոշ յարմարութիւնների պատճառաւ մոցրած են նորա նախահաշուի մէջ։ Այսպէս՝ բարձր կրթութիւն ստացող սարկաւազների թոշակ և պ. Ս. Մանգլինեանի կենսաթոշակ 2700 ր.։

Պաշտօնեայ 6 վարդապետների (որոնցից իւրաքանչիւրն ստանում է տարեկան 600 ր., իրրեւ միաբանական ոսոճիկ 300 ր. և ուսումն. զբաղմանց համար 300 ր.) վարդ. ոսոճիկը 1800 ր.։
Գիւղատնտեսի ոսոճիկ և գիւղատնտես. ծախք 1200 ր.։
Ընդամենը 5700 ր.։

որ եթէ հանենք ընդհանուր գումարից՝ ձեւաբանի տարեկան բուն ծախքը կլինի 36,690 ր.։

Ուսանող սարկաւազների համար որոշ

* Տարուայ ընթացքում հիւանդանոց մտել են ընդամենը	261 աշ.
որոնցից տեղի և ջերմ ունեցողներ	122 աշ.
սակաւարիւնութիւն և ընդհանուր թուլութիւն	47 աշ.
ինֆլուէնցիա	21 աշ.
բկացաւ	13 աշ.
տիֆ	6 աշ.
և այլն	

շուած 2200 ր. դումարից տրուում էր 800 ր. թոշակ, Տիկին Շ. Մեկքեանի կտակի հաշուին՝ Շն. երուանդ սարկաւազին, որ ուսանում է Լայպցիգում: 600 ր. տրուում էր Շն. Պօղոս սարկաւազին, որ Խարկովում էր, 600 ր. (Բար. Մեղուինեանի կտակի հաշուին) Շն. Կստանդին սարկաւազին, որ Գորպուսով էր, և 200 ր. նպաստ Սմբատ սարկաւազին, որ ուսանում է Ս. Պետերբուրգում և 40 ր. ամսական թոշակ ստանում Հայոց եկեղեցուց:

Աւսումն. շրջանի սկզբին այս ուսանողներին շարքում էր նաև՝ բոլորի անդրանիկ Մուշեղ սարկաւազ, որ իբրեւ խոկական ուսանող, իրաւաբանական բաժնի Գ. դասընթաց հասած՝ Ս. Պետերբուրգի համալսարանից Օդեսսա փոխադրուեցաւ, բայց դժնդակ թրախաղ ստիպեց արդէն նոյեմբեր ամսին ընդհատել պարապմունքներն ու Մ. Աթոռ վերադառնալ, ուր և կնքեց իւր մահականացուն մարտի 8-ին, և այդպիսով միաբանութիւնը զրկուեցաւ իւր ամենախաղաղ անդամայ խոստացող միանգամից:

Ճեմարանում որդեգիրներ ունեցել են՝ պ. Ե. Բուդաղեան երկու և պ. պ. Ի. Թադէոսեան, Ի. Իգմիրեան, Ա. Մատուրեան, Զ. Զանիփաղեան, Մոսկուայի եկեղեցեաց խորհուրդը մի մի՝ ընդամենը 7 որդեգիրներ: Խոյս հետ հաշուելով այնպիսիներին, որոնց ճամբար դրամական նպաստ է ստացուել իրենց ծնողներին՝ Ճեմարանի վարչութեան հասած բոլոր թոշակադրամների գումարը կլինի, 23 աշակերտի համար, 2850 ր. Ամենամեծ գումարն է դա, որ Ճեմարանի գոյութեան օրից ստացուել է, և եթէ հաշուենք նաև մշտական որդեգիրներին՝ 3 յանուն Բ. Թ. Տիգրանեանի, մի մի յանուն Գ. Թումայեանի, Գ. Լալայեանի և եղբայր Ժամհարեանց, այն նպաստը, որ տրուում է տարեցտարի ս. Պետերբուրգի եկեղ. կալուածոց արդիւնքից քան որդեգիրների համար, Ախալցխայի եկեղ. կալուածոց արդիւնքից և ինչ, կերեայ որ Ճեմարանի դրսից ստացած օգնութիւնն այժմ՝ զգալի կերպով աւելի է քան մի 7—8 տարի առաջ, բայց համեմատաբար աւելի մեծ չափով աճել են նաև նորա կարիքները,

այնպէս որ նորա անտեսական ապահովութիւնը մնում է այնուամենայնիւ մի կէտ, գէշի որը դարձած պէտք է լինի հասարակութեան ամենախաղաղ ուշադրութիւնը և օրից մեծագէտ կախում է նորա յառաջագինութիւնն ապագայում:

ՏԱԿԱՆԱՅԵ

ՅԱՐԱԹԻՒՆ ՓԷՇԱ ՏԱՏԵԱՆ



Հոկտեմբեր 7-ի գեշերը Կ. Պոլսոյ մէջ իւր մահաւանցուն կնքեց Օսմանեան պետութեան արտաքին գործոց խորհրդին և Հայոց քաղ. ժողովոյ ատենապետ Եարութիւն Փաշա Տատեան 75 տարեկան հասակի մէջ, 50 տարեկ աւելի Օսմ. Պետութեան զանազան պաշտօններուն մէջ զբաղուելէ յետոյ:

Իբրեւ անդիտական կարողութիւնը զնահատուած էր ընչպէս երկրին մէջ նոյնպէս նաև երկրէն դուրս և անոնք որ մօտէն ճանչցած էին զինքը՝ կը խոստովանէին թէ Թուրքիոյ մեծ անձնաւորութիւններէն մին է իրաւամբ Եարութիւն փաշա: որ ժամանակակից մեծ մարդու մը, Եարութեան Պէյ Տատեանի զաւակ, կրցաւ ինքն ալ մեծ և իր զեղատոմարն փառքը բլալ:

Եարութիւն փաշա, որքան հաւատարիմ և խզմամիտ պաշտօնատար, նոյնքան նաև բարեպաշտ մէկ անգամը Հայ. եկեղեցւոյ, իր պատկանած ազգին ալ ծառայած է:

Հանգուցեալը կը թողու երկու զաւակ՝ Տիգրան պէյ Տատեան և Տիկին Ե. Նազաշեան:

Տատեան գերդաստանին անունը բաւական օգնած էր Եարութիւն փաշայի պետական ծառայութեան մէջ վստահութիւն և համակրութիւն վայելելու: Իբրեւ չորս, մեծ անուն մը թողած է երկրին պատմութեան մէջ, և այնպիսի ասէն մը, երբ ուսում ու զիտութիւն այլքան մղում և կարեւորութիւն ստացած չէին:

Եարութեան պէյի հայրը, Տատ Առաքել Ամիրայ, որ 1780-ի միջոցները Անկն Պոլիս եկած և 15 տարեկ յետոյ վառօդապետ կարգուած էր, իր ժամանակին ուսումնասէր անձերէն էր և շատ հոգ ու խնամք տարած է իր զաւակներուն կրթութեան: Պատմական աւանդութիւն մը կ'ըսէ թէ Տատ Առաքել ծնողը Սեբաստիայէն զաղթած էն Անկն: Տատ Առաքել ամերայ 1812-ին վախճուեց: